



10. BIDE PUBLIKOAN IBILGAILUAK IBILGETU, LOTU ETA HANDIK KENDU ETA HAI EK ZAINTEAGATIKO TASAK ARAUTZEKO ORDENANTZA.

1. artikulua. OINARRIA ETA JITEA

Tokiko Ogasunen abenduaren 16ko 9/2005 Foru Arauak xedatutakoari jarraiki, ibilgailuak bide publikotik kendu, ibilgetu eta haiek zaintzeagatiko tasa finkatu eta exijitzen du udal honek. Tasa hori zerga-ordenantza honek artatuko du, aipatutako Foru Arauaren 21.4z artikuluan xedatzen denari jarraiki.

2. artikulua. EGITATE ZERGAGARRIA

Egitate zergagarria da ibilgailuak bide publikoan ibilgetu, lotu eta bertatik kentzeko udal-zerbitzuen prestazioak eskatzen dituen bitarteko pertsonal eta materialak baliatzea, bai eta ibilgailuak horretarako zehaztu diren dependentzietan edukitzea eta zaintzea ere.

3. artikulua. ORDAINDU BEHARRA

Ordaindu beharra aurreko artikuluan aipatzen diren zerbitzuen prestazioak eragiten du.

4. artikulua. SUBJEKTU PASIBOA

1. Zergadun jiteko subjektu pasiboak izango dira Bizkaiko Zergei buruzko Foru Arau Orokorren 35. artikulua aipatzen dituen pertsona fisiko eta juridikoak eta erakundeak, ordenantza honek araupetzen dituen udal-zerbitzuak edo jarduerak eskatzen dituztenean edo haien onuradun direnean.
2. Administrazio-jarduerak edo zerbitzuak subjektu pasiboa ukitzen duela edo hari dagokiola ulertuko da, zuzenean edo zeharka, hark eragina denean, haien jarduerak edo ez-egiteek udala jarduerak ofizioz egitera edo zerbitzuak ematera behartzen dutelako.
3. Solidarioki, tasa hau ordaintzera behartuta egongo dira udalaren esku-hartzea eragiten duten ibilgailuen jabeak, erabiltzaileak eta edukitzaileak, titulua zeinahi delarik.

5. artikulua. ZERGA-OINARRIA

Zerga-oinarrria unean uneko zerbitzuaren edo jardueraren benetako kostuak edo ustezkoak osatuko du; kontuan hartuta zerbitzuaren edo jardueraren guztizko kostua osatzen duten gastu zuzenak edo zeharkakoak, bai eta finantza-jitekoak, ibilgetuaren amortizaziokoak eta aplikagarri diren bestelako gastu orokorrak ere, dagokion zerbitzu edo jarduera-motaren eta ezaugarriak eta tasa ordaintzera behartuta dauden subjektuen gaitasun ekonomikoa aintzat hartuta.

6. artikulua. ZERGA-KUOTA

Ordaindu beharreko kuota honako tarifa hauek aplikatzearen ondoriozkoa izango da:

KONTZEPTUA		(Euroak)
1) IBILGAILUAK IBILGETZEA		
	A) Bizikletak eta ziklomotoreak	19,09 €
	b) Motozikletak, moto-gurdiak eta antzeko bestelako ibilgailuak	26,53 €
	c) 1.000 kg-ra bitarteko tarako beste ibilgailuak	40,74 €
	d) 1.000 kg-tik gorako tarako beste ibilgailuak	68,46 €
	e) Ibilgailua zepo bidez ibilgeturik dagoen egun edo zatiki bakoitzeko	41,93 €



KONTZEPTUA		(Euroak)
2) GARABIAREN IRTEERAGATIK OHIKO ORDUTEGITIK KANPO, IBILGAILUA ERAMAN GABE. ZERBITZUA ERAGIN DUEN PERTSONAK ORDAINDU BEHARREKOA.		38,83 €
3) BIDE PUBLIKOAN IBILGAILUAK GARABIRA LOTZEAGATIK		
a) Bizikletak eta ziklomotoreak		14,20 €
b) Motozikletak, moto-gurdiak eta antzeko bestelako ibilgailuak		20,37 €
c) 1.000 kg-ra bitarteko tarako beste ibilgailuak		45,63 €
d) 1.000 kg-tik gorako tarako beste ibilgailuak		53,08 €
4) IBILGAILUAK BIDE PUBLIKOTIK KENTZEAGATIK		
a) Bizikletak eta ziklomotoreak		29,00 €
b) Motozikletak, moto-gurdiak eta antzeko bestelako ibilgailuak		45,63 €
c) 1.000 kg-ra bitarteko tarako beste ibilgailuak		93,75 €
d) 1.000 kg-tik gorako tarako beste ibilgailuak		120,29 €
5) IBILGAILUAK UDAL-BILTEGIETAN EGOTEAGATIK, EGONALDIA HASTEN DEN EGUNEKO HAMABI ORDUETATIK JABEAK HARTZEN DUEN ARTE. EGUN BAKOITZEKO		
a) Bizikletak eta ziklomotoreak		2,40 €
b) Motozikletak, moto-gurdiak eta antzeko bestelako ibilgailuak		4,84 €
c) 1.000 kg-ra bitarteko tarako beste ibilgailuak		9,65 €
d) 1.000 kg-tik gorako tarako beste ibilgailuak		18,68 €

7. artikulua. SORTZAPENA

Tasa eta ordaintzeko betebeharra egitate zergagarria osatzen duen udal-jarduera edo zerbitzua abiatzen denean sortuko dira.

8. artikulua. SALBUESPENAK

Tasa hau ordaintzetik salbuetsirik egongo dira lapurtutako ibilgailuak. Inguruabar hori arrazoi horregatik egindako salaketaren kopia emanez egiaztatu beharko da.

9. artikulua. KUDEAKETA

Ibilgailuen biltegitratzea ez da amaituko dagokien tasa ordaindu arte edo, kasu bada, Bizkaiko Tokiko Ogasunei buruzko 9/2005 Foru Arauak xedatzen duenaren arabera, zenbatekoa utzi arte.

Tasa aplikatu izanak ez du baztertzen zirkulazio-arauak edo Udaltzaingoarenak hautsi izanak eragin ditzakeen isunak ezartzea.

Udalak, trafiko, motorezko ibilgailuen zirkulazio eta bide segurtasunari buruzko, urriaren 30eko, 6/2015 Errege Dekretu arau-emaileak ezarritako arautegia aplikatuko du eta, halaber, 10/1998 Legea, apirilaren 21ekoa, hondakinei buruzkoa. Beraz, aipatutako arautegietan ezarritako epeak iraungi ostean, ibilgailua abandonatua izan denari buruzko espedienteari ekingo dio, eta hiri hondakin solido bezala tratatuko du.

10. artikulua. ARAU-HAUSTEAK ETA ISUNAK

Zerga arau-hausteak kalifikatzeari dagokion guztian eta haien gaineko isunei dagokienean, Kudeaketa, Zerga-bilketa eta Ikuskaritzari buruzko zerga-ordenantza orokorrean xedatutakoari eta Zergei buruzko Foru Arau Orokorraren 77. artikuluan eta hurrengoetan xedatutakoari jarraituko zaie.

